



PEKELILING PENTADBIRAN
BILANGAN 33 TAHUN 2021

**KEPERLUAN HADIR SECARA FIZIKAL BAGI
TUJUAN LATIHAN INDUSTRI KEPADA PELAJAR
UNIVERSITI TEKNIKAL MALAYSIA MELAKA
SEPANJANG TEMPOH
FASA PELAN PEMULIHAN NEGARA**

Pejabat Pendaftar
13 Julai 2021 | 3 Zulhijjah 1442H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasilitas)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1 (61)

13 JULAI 2021
3 ZULHIJJA 1442H

PEKELILING PENTADBIRAN BIL. 33/2021

KEPERLUAN HADIR SECARA FIZIKAL BAGI TUJUAN LATIHAN INDUSTRI KEPADA PELAJAR UNIVERSITI TEKNIKAL MALAYSIA MELAKA SEPANJANG TEMPOH FASA PELAN PEMULIHAN NEGARA

1.0 TUJUAN

Pekeliling Pentadbiran ini bertujuan untuk memaklumkan kepada semua staf dan pelajar mengenai keperluan hadir secara fizikal bagi tujuan pelaksanaan Latihan Industri (LI) sepanjang tempoh Fasa Pelan Pemulihan Negara.

2.0 LATAR BELAKANG

- 2.1 Mesyuarat Senat Bil. 6/2021 yang bersidang pada 30 Jun 2021 telah meluluskan kaedah pelaksanaan LI pelajar secara alternatif dan pergerakan pelajar adalah tertakluk kepada prosedur semasa Majlis Keselamatan Negara (MKN) dan Kementerian Pengajian Tinggi (KPT). Pelajar digalakkan untuk mendapatkan penempatan LI di lokaliti pelajar berada.
- 2.2 Terdapat ramai pelajar telah mendapat penempatan LI di negeri yang berbeza dengan lokaliti pelajar berada dan keperluan pelaksanaan LI pelajar secara fizikal termasuk pergerakan merentas negeri.
- 2.3 Lanjutan kepada keperluan di atas, KPT pada 7 Julai 2021 telah mengeluarkan surat arahan berkaitan Pelaksanaan Latihan Industri Pelajar Institusi Pendidikan Tinggi Sepanjang Tempoh Fasa Pelan Pemulihan Negara.
- 2.4 Berpandukan surat tersebut, Universiti melalui Mesyuarat Majlis Eksekutif (ME) yang bersidang pada 10 Julai 2021 telah bersetuju membenarkan pelajar hadir secara fizikal ke tempat LI mengikut garis panduan yang telah ditetapkan sepanjang tempoh Fasa Pelan Pemulihan Negara.

3.0 PELAKSANAAN LATIHAN INDUSTRI SEPANJANG TEMPOH FASA PELAN PEMULIHAN NEGARA

3.1 Berdasarkan garis panduan yang telah diluluskan, pelaksanaan LI bagi pelajar UTeM dalam tempoh Fasa Pelan Pemulihan Negara ini merangkumi tiga (3) skop pergerakan pelajar iaitu:-

3.1.1 pergerakan pelajar LI yang melibatkan rentas negeri/daerah;

3.1.2 pergerakan pelajar melaksanakan LI di dalam Kampus UTeM; dan

3.1.3 pergerakan pelajar LI dari Kolej Kediaman UTeM dalam melaksanakan LI di luar Kampus UTeM.

3.2 Garis panduan mengenai keperluan hadir secara fizikal bagi tujuan LI adalah seperti di Lampiran A.

3.3 Universiti akan terus memantau perkembangan krisis COVID-19 dan menyalurkan maklumat terkini dari semasa ke semasa.

3.4 Walaupun begitu, sebarang perubahan dalam pelaksanaan LI ini masih tertakluk kepada maklumat terkini yang dikeluarkan oleh Majlis Keselamatan Negara (MKN), Kementerian Pengajian Tinggi (KPT), Kementerian Kesihatan Malaysia (KKM) dan Institusi Akreditasi berkepentingan bagi program akademik masing-masing.

3.5 Sebarang pelaksanaan mestilah mengikut Peraturan Akademik Universiti dan mematuhi keperluan ISO 9001:2015 yang digariskan oleh Universiti.

4.0 TARIKH KUAT KUASA

4.1 Pelaksanaan keperluan hadir secara fizikal bagi tujuan LI kepada pelajar UTeM sepanjang tempoh Fasa Pelan Pemulihan Negara berkuat kuasa mulai 10 Julai 2021.

4.2 Pekeliling ini hendaklah dibaca bersama dengan Pekeliling Akademik Bilangan 4 Tahun 2021 bertarikh 5 Julai 2021. Pemakluman terkini akan dikeluarkan dari semasa ke semasa.

Sekian, terima kasih.

“PRIHATIN RAKYAT: DARURAT MEMERANGI COVID-19”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,

A handwritten signature in black ink, appearing to read 'Masdzarif Bin Mahat'.

MASDZARIF BIN MAHAT
Ketua Pegawai Operasi
Universiti Teknikal Malaysia
Melaka

LAMPIRAN A – GARIS PANDUAN KEPERLUAN HADIR SECARA FIZIKAL BAGI TUJUAN LATIHAN INDUSTRI (LI) SEPANJANG TEMPOH FASA PELAN PEMULIHAN



GARIS PANDUAN KEPERLUAN HADIR SECARA FIZIKAL BAGI TUJUAN LATIHAN INDUSTRI (LI) SEPANJANG TEMPOH FASA PELAN PEMULIHAN NEGARA BAGI PERGERAKAN PELAJAR LI YANG MELIBATKAN RENTAS NEGERI/DAERAH, PERGERAKAN PELAJAR DALAM PELAKSANAAN LI DI DALAM UTeM, DAN PERGERAKAN PELAJAR KOLEJ KEDIAMAN UTeM DALAM PELAKSANAAN LI DI LUAR UTeM

1.0 TUJUAN

Garis panduan ini bertujuan memastikan agar pelajar yang mendapat penempatan Latihan Industri (LI) dapat menjalani LI yang dirancang mengikut prosedur keperluan hadir secara fizikal yang dibenarkan oleh Kementerian Pengajian Tinggi. Langkah-langkah ini diambil untuk mengawal pergerakan pelajar LI termasuk pergerakan pelajar LI yang melibatkan rentas negeri/daerah, pergerakan pelajar dalam pelaksanaan LI di dalam UTeM dan pergerakan pelajar Kolej Kediaman UTeM dalam pelaksanaan LI di luar UTeM.

2.0 PERATURAN

- 2.1 Pelajar yang menerima tawaran penempatan Latihan Industri di tempat yang tidak berada di bawah Perintah Kawalan Pergerakan Diperketatkan (PKPD) adalah dibenarkan untuk hadir secara fizikal tertakluk kepada syarat-syarat yang ditetapkan.
- 2.2 Pelajar perlu sentiasa membawa kad matrik sebagai salah satu pengenalan diri.

2.3 Pelajar LI yang perlu hadir secara fizikal melibatkan keperluan rentas negeri/daerah perlu memenuhi syarat-syarat berikut:-

2.3.1 Mencetak Surat Pelaksanaan Latihan Industri Pelajar Institusi Pendidikan Tinggi Sepanjang Pelan Pemulihan Negara dari Kementerian Pengajian Tinggi bertarikh 7 Julai 2021 beserta mengisi templat Surat Pelepasan Pelajar Latihan Industri di Lampiran 1. Lampiran 1 ini perlu ditandatangani oleh **Dekan** Fakulti masing-masing.

2.3.2 Mencetak Surat Tawaran Penempatan Latihan Industri (sila gunakan "Reply Form" seperti di dalam Sistem LI.)

2.3.3 Mendapatkan dan mencetak Surat Kebenaran Hadir Bekerja yang dikeluarkan oleh Industri masing-masing.

2.3.4 Pelajar yang berada di Kolej Kediaman UTeM perlu membuat permohonan keluar kolej kediaman kepada Pejabat Hal Ehwal Pelajar.

2.3.5 Pelajar perlu mendapatkan kelulusan kebenaran rentas negeri/daerah dari Polis Diraja Malaysia (PDRM).

2.4 Pelajar LI yang perlu hadir secara fizikal melibatkan pergerakan pelajar dalam pelaksanaan LI di dalam UTeM dan **TIDAK** menginap di Kolej Kediaman UTeM perlu memenuhi syarat-syarat berikut:-

2.4.1 Pelajar perlu membuat permohonan masuk ke kampus UTeM secara dalam talian (pelajar) hanya bagi tujuan LI di dalam UTeM sahaja.

2.4.2 Pelajar perlu membuat Deklarasi Kesihatan (HDF) melalui Sistem eTAP di *address bar* <https://pkp.utem.edu.my>. SOP yang ditetapkan perlu dipatuhi (Rujuk Panduan/tatacara).

2.4.3 Permohonan hendaklah dibuat **SATU (1)** hari sebelum atau pada hari keperluan pelajar masuk ke kampus.

2.4.4 Mencetak Surat Pelaksanaan Latihan Industri Pelajar Institusi Pendidikan Tinggi Sepanjang Pelan Pemulihan Negara dari

Kementerian Pengajian Tinggi bertarikh 7 Julai 2021 beserta mengisi templat Surat Pelepasan Pelajar Latihan Industri di Lampiran 1. Lampiran 1 ini perlu ditandatangani oleh **Dekan** Fakulti masing-masing.

2.4.5 Sekiranya hadir secara fizikal melibatkan keperluan rentas negeri/daerah, pelajar perlu mematuhi syarat-syarat seperti di Perkara 2.2 dan 2.3.

2.5 Pelajar Latihan Industri yang perlu hadir secara fizikal dalam pelaksanaan LI di luar UTeM yang melibatkan pergerakan pelajar dari Kolej Kediaman UTeM perlu memenuhi syarat-syarat berikut:-

2.5.1 Pelajar perlu membuat permohonan keluar terus dari kolej kediaman kampus UTeM bagi tujuan Latihan Industri di luar kampus UTeM sahaja.

2.5.2 Permohonan keluar dari kolej kediaman UTeM adalah seperti di dalam SOP Kebenaran Pelajar Di Kolej Kediaman Keluar Kampus yang dikeluarkan oleh Pejabat Hal Ehwal Pelajar.

2.5.3 Prosedur untuk hadir secara fizikal ke tempat latihan industri yang melibatkan keperluan rentas negeri/daerah, pelajar perlu mematuhi syarat-syarat seperti Perkara 2.2 dan 2.3.

2.6 Bagi pelaksanaan Latihan Industri di dalam UTeM, kaedah Latihan Industri (LI) di Kampus Induk dan Kampus Teknologi hendaklah merujuk kepada arahan Universiti berkaitan kehadiran staf ke pejabat.

2.7 Sebarang pertanyaan berkenaan pelaksanaan LI hendaklah merujuk kepada Penyelaras Latihan Industri di Pusat Jaringan Industri dan Masyarakat atau fakulti seperti senarai di bawah:-

Penyelaras Latihan Industri PJIM/Fakulti	Nama	No. Telefon & Emel
Pusat Jaringan Industri dan Masyarakat (PJIM)	Dr. Amrik Singh a/l Phuman Singh	0102484544 amriksingh@utem.edu.my
Fakulti Kejuruteraan Elektronik Dan Kejuruteraan Komputer (FKEKK)	Dr. Mohamad Harris Bin Misran	062702300 harris@utem.edu.my
	Encik Adie Bin Mohd Khafe	062702334 adie@utem.edu.my
Fakulti Kejuruteraan Elektrik (FKE)	Dr. Nur Ilyana Binti Anwar Apandi	062702230 ilyana@utem.edu.my
	Dr. Aziah Binti Khamis	062702142 aziah@utem.edu.my
Fakulti Kejuruteraan Mekanikal (FKM)	Ir. Dr. Abdul Rafeq Bin Saleman	062704419 rafeq@utem.edu.my
	Ts. Dr. Asriana Binti Ibrahim	062704422 asriana@utem.edu.my
Fakulti Kejuruteraan Pembuatan (FKP)	Dr. Mohd Edeerozey Bin Abd Manaf	062702671 edee@utem.edu.my
	Encik Mohd Fairuz Bin Dimin @ Mohd Amin	062702589 fairuz@utem.edu.my
Fakulti Teknologi Maklumat Dan Komunikasi (FTMK)	Ts. Dr. Wahidah Binti Md Shah	062702495 wahidah@utem.edu.my
	Ts. Dr. Raihana Syahirah Binti Abdullah	062702526 raihana.syahirah
Fakulti Pengurusan Teknologi Dan Teknousahawanan (FPTT)	Puan Johanna Binti Abdullah Jaafar	062708046 johanna@utem.edu.my
	Puan Atikah Saadah Binti Selamat	062708050 atikahsaadah@utem.edu.my
Fakulti Teknologi Kejuruteraan Elektrik Dan Elektronik (FTKEE)	Ts. Mohd Faizal Bin Zulkifli	062704225 mohdfaizal.zulkifli@utem.edu.my
	Ts. Fakhrullah Bin Idris	062704232 fakhrullah@utem.edu.my
Fakulti Teknologi Kejuruteraan Mekanikal Dan Pembuatan (FTKMP)	Ts. Dr. Kamarul Bin Amir Mohamed	062704114 kamarulamir@utem.edu.my
	Encik Mohd Hafizi Bin Abdul Rahman	062704243 mohdhafizi@utem.edu.my

- 2.8 Sentiasa patuh kepada amalan 3C seperti disarankan oleh Kementerian Kesihatan Malaysia (KKM):-
- 2.8.1 elakkan kawasan yang sesak (*crowded place*);
 - 2.8.2 elakkan kawasan yang sempit (*confined space*); dan
 - 2.8.3 elak sembang atau bertutur dengan jarak yang dekat (*close conversation*).
- 2.9 Sentiasa mengamalkan 3W iaitu:-
- 2.9.1 kerap mencuci tangan dengan air dan sabun (*wash*);
 - 2.9.2 memakai face mask di tempat awam atau jika bergejala (*wear*); dan
 - 2.9.3 (*warn*) iaitu amaran dari KKM yang lebih berkonsep peringatan seperti elak bersalaman/ bersentuhan, amalkan etika batuk dan bersin, lakukan aktiviti disinfeksi, duduk di rumah dan hanya keluar sekiranya ada urusan penting sahaja serta dapatkan rawatan segera jika bergejala.

3.0 MAKLUMAT RUJUKAN

Garis panduan ini adalah tertakluk kepada sebarang perubahan dari Majlis Keselamatan Negara (MKN), Kementerian Pengajian Tinggi (KPT), Kementerian Kesihatan Malaysia (KKM), dan UTeM.

4.0 PEMAKAIAN

Arahan ini adalah untuk edaran secara dalaman sahaja.

Disediakan oleh:

Pejabat Penolong Naib Canselor (Jaringan Industri & Masyarakat)
Universiti Teknikal Malaysia Melaka (UTeM)

09 Julai 2021

LAMPIRAN 1 – SURAT PELAKSANAAN LATIHAN INDUSTRI PELAJAR INSTITUSI PENDIDIKAN TINGGI SEPANJANG PELAN PEMULIHAN NEGARA



KETUA PENGARAH PENDIDIKAN TINGGI
DIRECTOR GENERAL OF HIGHER EDUCATION
Jabatan Pendidikan Tinggi
Department Of Higher Education
Kementerian Pengajian Tinggi
Ministry of Higher Education Malaysia
Aras 9, No.2, Menara 2,
Jalan P5/6, Presint 5
62200 PUTRAJAYA
MALAYSIA

JPT | JABATAN
PENDIDIKAN
TINGGI

Tel: 603-88706439
Faks (Fax): 603-88706840
Portal Rasmi: <http://jpt.mohe.gov.my>

Ruj. Kami : JPT(A)1000/001/019/01JLD.24(40)

Tarikh : 7 Julai 2021

SEPERTI SENARAI EDARAN

YBhg. Tan Sri/ Datuk / Dato'/ Prof.,

PELAKSANAAN LATIHAN INDUSTRI PELAJAR INSTITUSI PENDIDIKAN TINGGI SEPANJANG TEMPOH PELAN PEMULIHAN NEGARA

Dengan segala hormatnya saya merujuk kepada perkara di atas.

2. Seperti YBhg. Tan Sri/ Datuk / Dato'/ Prof. sedia maklum, Kementerian Pengajian Tinggi telah menjelaskan kepada semua Institusi Pendidikan Tinggi (IPT) berhubung arahan terkini pengoperasian IPT semasa Fasa 1 Pelan Pemulihan Negara (PPN) seperti yang dijelaskan dalam surat JPT(A)1000/001/019/01JLD.24(26) bertarikh 29 Jun 2021 susulan pengumuman pelanjutan Fasa 1 PPN oleh YB Menteri Kanan Pertahanan pada 27 Jun 2021.

3. Berhubung arahan tersebut, Jabatan ini ingin menjelaskan bahawa pelaksanaan Latihan Industri (LI) bagi pelajar IPT **sepanjang tempoh Fasa PPN** adalah **dibenarkan**. Dalam hal ini, sekiranya pelajar perlu hadir secara fizikal, pihak IPT boleh mengeluarkan surat pelepasan untuk membenarkan pelajar menjalani LI dengan menggunakan



LAMPIRAN 1 - SURAT PELAKSANAAN LATIHAN INDUSTRI PELAJAR INSTITUSI PENDIDIKAN TINGGI SEPANJANG PELAN PEMULIHAN NEGARA

templat **Surat Pelepasan Pelajar Latihan Industri** seperti di Lampiran 1. Namun sekiranya LI pelajar dijalankan di luar kampus, kelulusan pergerakan pelajar juga adalah tertakluk kepada **surat kebenaran hadir berkerja yang perlu dikeluarkan oleh majikan** masing-masing. Surat pelepasan yang lengkap hendaklah dikemukakan bersama-sama surat ini ketika pelajar melalui Sekatan Jalan Raya.

4. Sehubungan itu, Jabatan ini berharap agar pihak YBhg. Tan Sri/ Datuk / Dato'/ Prof. dapat menyelaras perkara ini dan maklumat yang jelas perlu disampaikan kepada semua pihak yang berkaitan bagi membantu memastikan urusan pergerakan pelajar menjalani LI sepanjang tempoh PPN ini berjalan lancar.


5. Perhatian dan kerjasama YBhg. Tan Sri/ Datuk / Dato'/ Prof. berhubung perkara ini amat dihargai.

Sekian, terima kasih.

"PRIHATIN RAKYAT: DARURAT MEMERANGI COVID-19"

"BERKHIDMAT UNTUK NEGARA"

Saya yang menjalankan amanah,



(PROF. DATO' DR. HUSAINI B. OMAR)

LAMPIRAN 1 - SURAT PELAKSANAAN LATIHAN INDUSTRI PELAJAR INSTITUSI PENDIDIKAN TINGGI SEPANJANG PELAN PEMULIHAN NEGARA

LAMPIRAN 1

Rujukan Kami :

Tarikh :

KEPADA PIHAK YANG BERKENAAN

Tuan/Puan,

SURAT KEBENARAN PELAJAR HADIR MENJALANI LATIHAN INDUSTRI SEPANJANG TEMPOH FASA PELAN PEMULIHAN NEGARA

Dengan hormatnya perkara di atas dirujuk.

2. Melalui pelaksanaan pelanjutan **Perintah Kawalan Pergerakan (PKP)** yang berkuat kuasa sepanjang **Fasa Pelan Pemulihan Negara (PPN)**, maka dengan ini pihak institusi pendidikan tinggi mengeluarkan **Surat Kebenaran Pelajar Menjalani Latihan Industri** kepada penama berikut bagi tujuan pemeriksaan penguatkuasa PKP.

3. Maklumat penama adalah seperti berikut:

Nama Pelajar :
No. Kad Pengenalan :
No. Kad Pelajar :
Tujuan : Menjalani Latihan Industri
Jenis kenderaan/ No. Pendaftaran kenderaan:
Alamat Pelajar :
Alamat Institusi :
Tarikh pergerakan :

Maklumat berikut perlu diisi sekiranya Latihan Industri dijalankan di luar kampus:

Nama Syarikat :
Alamat Syarikat :
Tarikh pergerakan :

4. Sebarang pertanyaan berhubung perkara ini, tuan/puan boleh menghubungi pihak institusi pendidikan tinggi seperti di bawah:

Nama Institusi Pendidikan Tinggi :
Nama Pegawai :
No. Telefon Bimbit :

Kerjasama dan keprihatinan daripada pihak tuan/puan amat kami hargai dan didahului dengan ucapan terima kasih.

Sekian,

Terima kasih.

.....
(NAMA PEGAWAI IPT YANG BOLEH DIHUBUNGI)